
OFFERYNNAU STATUDOL CYMRU

2001 Rhif 1410 (Cy. 96) (C. 50)

CEFN GWLAD, CYMRU

**Gorchymyn Deddf Cefn Gwlad a Hawliau
Tramwy 2000 (Cychwyn Rhif 2) (Cymru) 2001**

Wedi'u gwneud - -

5 Ebrill 2001

Mae Cynulliad Cenedlaethol Cymru yn gwneud y Gorchymyn canlynol drwy arfer y pwerau a roddwyd iddo gan adran 103(3), (4) a (5) o Ddeddf Cefn Gwlad a Hawliau Tramwy 2000(1).

Enwi, dehongli a chymhwyso

1.—(1) Enw'r Gorchymyn hwn yw Gorchymyn Deddf Cefn Gwlad a Hawliau Tramwy 2000 (Cychwyn Rhif 2) (Cymru) 2001.

(2) Yn y Gorchymyn hwn:

ystyr “Deddf 1980” (“*the 1980 Act*”) yw Deddf Priffyrdd 1980(2);

ystyr “Deddf 1981” (“*the 1981 Act*”) yw Deddf Bywyd Gwyllt a Chefn Gwlad 1981(3);

ystyr “y Ddeddf” (“*the Act*”) yw Deddf Cefn Gwlad a Hawliau Tramwy 2000 ac oni bai fod yna ddatganiad gwahanol mae cyfeiriadau at adrannau, Rhannau ac Atodlenni yn gyfeiriadau at adrannau a Rhannau o'r Ddeddf, ac Atodlenni iddi;

(3) Mae'r Gorchymyn hwn yn gymwys i Gymru.

Diwrnod Penodedig

2. Mai 2001 yw'r diwrnod penodedig y daw darpariaethau canlynol y Ddeddf i rym:—

(a) adran 46(1)(b) (diddymu adrannau 61 i 63 o Ddeddf Parciau Cenedlaethol a Mynediad i Gefn Gwlad 1949(4));

(b) adran 46(3) (sy'n cyflwyno Atodlen 4) i'r graddau y mae'n perthyn i ddarpariaethau Atodlen 4 y cyfeirir atynt yn is-baragraff (g) isod;

(c) adran 57 (diwygiadau i Ddeddf 1980 ac i Ddeddfau eraill) i'r graddau y mae'n rhoi effaith i'r amnewidiadau y cyfeirir atynt yn is-baragraffau (ng) ac (h) isod;

(ch) adran 68 (mynediad cerbydau ar draws tir comin);

(1) 2000 p.37
(2) 1980 p.66
(3) 1981 p.69
(4) 1949 p.97

- (d) adran 70(2) a (4) (mân ddiwygiadau);
- (dd) adran 72 (darpariaethau dehongli Rhan II);
- (e) Rhan IV (dynodi a rheoli ardaloedd o harddwch naturiol eithriadol)(ac felly Atodlenni 13, 14 a 15);
- (f) adran 96 (diwygiadau i adran 39 o Ddeddf 1981);
- (ff) adran 102 i'r graddau y mae'n perthyn i'r darpariaethau yn Atodlen 16 y cyfeirir atynt yn is-baragraffau (i) i (o) isod ;
- (g) paragraffau 1, 4, 5 a 6 o Atodlen 4;
- (ng) paragraff 18(a) o Atodlen 6 (diwygiadau i Ddeddf 1980) i'r graddau y mae'n amnewid am “118, 119,” yn adran 325(1)(d) o Ddeddf 1980 gyfeiriadau at adrannau 118, 118A, 119 a 119A;
- (h) paragraff 19 o Atodlen 6 i'r graddau y mae'n amnewid am “gorchymyn gwyro llwybr cyhoeddus” yn adran 326(5) o Ddeddf 1980 gyfeiriadau at orchymyn diddymu croesfan reilffordd, gorchymyn gwyro llwybr cyhoeddus a gorchymyn gwyro croesfan reilffordd;
- (i) Rhan I o Atodlen 16 (diddymiadau sy'n perthyn i fynediad i gefn gwlad) ac eithrio i'r graddau y mae'n diddymu:
 - (i) adran 193(2) o Ddeddf Cyfraith Eiddo 1925(5);
 - (ii) paragraff 35A o Atodlen 17 i Ddeddf Llywodraeth Leol 1972(6); a
 - (iii) paragraff 13 o Atodlen 6 i Ddeddf Llywodraeth Leol (Cymru) 1994(7);
- (l) Rhan II o Atodlen 16 (diddymiadau sy'n perthyn i hawliau tramwy cyhoeddus a thraffig ffyrdd) i'r graddau y mae'n diddymu adran 22(1)(a) o Ddeddf Rheoli Traffig Ffyrdd 1984 (8);
- (m) Rhan II o Atodlen 16 i'r graddau y mae'n diddymu adran 134(5) o Ddeddf 1980;
- (n) Rhannau III a IV o Atodlen 16 (diddymiadau sy'n perthyn i safleoedd o ddiddordeb gwyddonol arbennig a bywyd gwyllt); ac
- (o) Rhannau V a VI o Atodlen 16 (diddymiadau sy'n perthyn i ardaloedd o harddwch naturiol eithriadol ac i Ddeddf 1981).

Darpariaeth drosiannol

3. Nid yw diddymiad adran 134(5) o Ddeddf 1980 sy'n cael ei gychwyn gan erthygl 2(d) ac (m) yn cael effaith mewn perthynas ag unrhyw dramgwydd o dan adran 134 o'r Ddeddf honno a gyflawnwyd cyn 1 Mai 2001.

(5) 1925 p.20
 (6) 1972 p.70
 (7) 1994 p.19
 (8) 1984 p.27

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth
Cymru 1998 (9).

5 Ebrill 2001

D. Elis-Thomas
Llywydd y Cynulliad Cenedlaethol

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

EXPLANATORY NOTE

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn dod â rhai dapariaethau penodol o Ddeddf Cefn Gwlad a Hawliau Tramwy 2000 ("y Ddeddf") i rym mewn perthynas â Chymru ar 1 Mai 2001, sef:

(1) adran 57, mewn perthynas â pharagraff 18 ac 19 o Atodlen 6 (sy'n diwygio Deddf Priffyrdd 1980),

(2) paragraffau 18(a) a 19 o Atodlen 6 i'r graddau y maent yn gwneud newidiadau mewn perthynas â gorchmynion diddymu a gwyro croesfannau rheilffordd,

(3) adran 68 (sy'n perthyn i fynediad gan cerbydau ar draws tir comin),

(4) adran 72 (sy'n cynnwys darpariaethau dehongli ar gyfer Rhan II o'r Ddeddf),

(5) Rhan IV o'r Ddeddf, ac Atodlenni 13 a 14 iddi (sy'n diwygio'r gyfraith mewn perthynas ag ardaloedd o harddwch naturiol eithriadol),

(6) adran 102 (sy'n cyflwyno'r Atodlen diddymiaidau) mewn perthynas â rhai diddymiaidau yn Atodlen 16,

(7) rhai diwygidau mân a chanlyniadol eraill i'r gyfraith.

Mae Erthygl 3 o'r Gorchymyn yn sicrhau y bydd adran 134(5) o Ddeddf Priffyrdd 1980 (sy'n cyfyngu'r personau sydd â'r hawl i erlyn tramgwydd o dan adran 134(4) o'r Ddeddf honno) yn dal yn gymwys mewn perthynas â thramgwyddau a gyflawnwyd cyn 1 Mai 2001.